

審病定經上卷之三

六經定法

進賢舒馳遠著

太陽病頭項強痛腰背骨節疼痛惡寒發熱

此為太陽經証

若時有微汗者

為風傷衛法主桂枝湯以驅衛分之風

桂枝白芍甘草生薑大棗

若壯熱無汗者

為寒傷營法主麻黃湯以發營分之寒

麻黃桂枝杏仁甘草

若頭身疼痛惡寒

發熱不汗出而煩燥者為風寒兩傷營衛法主大青龍湯營衛互治

風寒並驅

麻黃桂枝杏仁甘草大棗石膏若非煩燥石膏不可用非壯熱無汗麻黃不可用

太陽邪傳膀胱

口渴而小便不利

此為太陽腑証

法主五苓散以去腑邪

豬苓茯苓白朮澤泄肉桂

按小

便不利病在氣分不當用豬苓血分之藥當以桔根易之

太陽腑證有蓄尿蓄熱二端膀胱有尿熱邪入而搏之則少腹滿為

蓄尿熱邪入無所搏則少腹不滿爲蓄熱蓄尿者本方倍肉桂蓄熱者滑石易桂

有爲蓄尿過多膀胱滿甚脹翻出竅尿不得出臃脹異常名曰癰閉不可用五苓愈從下利其脹愈加而竅愈塞尿愈不得出法宜白朮宣暢胸膈砂仁半夏開胃肉桂化氣桔根開提生姜升散如壺吸蓋揭起則出之意使上焦得通中樞得運而膀胱之氣方得轉運斯竅自順而尿得出矣

若少腹硬滿小便自利者又爲膀胱蓄血詳見傷寒太陽上篇

陽明病前額連眼眶脹痛鼻築氣而流清發熱不惡寒

此爲陽明經証法主

葛根以解陽明之表若口燥心煩汗出惡熱渴欲飲冷

此熱邪漸入陽明之裏

法主白虎湯以撤其熱

石羔知母甘草便米

若張目不眠聲音响嘔口臭氣粗

身輕惡熱而大便閉者

此熱邪已歸陽明之腑

法主小承氣湯微蕩其熱略開

其閉

大黃只實厚朴

若加之胃實腹滿微發譫語者可用調胃承氣湯以蕩

其實而去其滿

大黃芒硝甘草

更加舌胎乾燥噴熱如火

痞胸腹滿膨脹燥

便閉實胃上乾結發痛

與夫狂譫無倫者法主大承氣湯急驅其陽以救其陰

大黃芒硝厚朴只實

少陽病頭痛在側耳聾喜嘔不欲食胸脇痛往來寒熱

此為少陽經証法主

柴胡湯以解少陽之表

柴胡半夏人參甘草生姜大棗

若口苦咽乾目眩

此為少陽腑証法

主黃芩以瀉少陽裏熱耳

太陰病腹滿而吐食不下時腹自痛自利不渴手足自溫法主理中

湯加砂半

人參白朮干姜甘草生姜大棗

若胸膈不開飲食無味而兼咳嗽者乃留

飲爲患法主理脾滌飲

白黃芪白朮砂仁白蔻半夏干姜

若由胃而下走腸間漉漉有

聲微痛作泄者名曰水飲

即於前藥內加附桂

若由胃而上入胸膈咳逆倚息

短氣不得臥者名曰支飲

即於前藥內加故帛益智更用斬關丸以下痰自愈

若由胃而旁流

入脇咳引刺痛者名曰懸飲

即於前藥內加芫花草果搜出肋絡之痰則愈

若由胃而溢出

四肢痺軟痠痛者名曰溢飲

即於前藥內加虎骨威靈仙在更加姜黃在足更加附子

又有着

痺行痺二證痛在一處者爲着痺流走無定者爲行痺與溢飲相似

而證不同乃爲火旺陰虧熱結經隧赤熱腫痛手不可近

溢飲不赤不熱

法

宜清熱潤燥

人參竹瀝生地阿膠天冬玉竹在手加桑椹在足加桑根

若身目爲黃而小便不利

不惡寒者爲陽黃法主茵陳五苓散若腹痛厥逆身重倦臥而發黃

者為陰黃法主茵陳附子湯

人參白朮茯苓附子干姜茵陳

少陰真陽素旺者外邪傳入則必協火而動心煩不眠肌膚燥燥神

氣衰減小便短而咽中乾法主黃連阿膠湯分解其熱潤澤其枯黃連

黃芩白芍同

膠雞子黃

少陰真陽素虛者外邪傳入則必協水而動陽熱變為

陰寒目瞤倦臥聲低息短少氣懶言身重惡寒四肢逆冷腹痛作泄

法主溫經散寒回陽止泄

附子干姜黃芪白朮砂仁半夏故紙益智

厥陰有純陽無陰之證有純陰無陽之證有陰陽雜錯之證 若張

目不眠聲音响噎口臭氣粗身輕惡熱熱深厥深上攻而為喉痺下

攻而便膿血此純陽無陰之證也法主破陽行陰以通其厥 喉痺

者用玉竹天冬麥冬石膏雞子白 便膿血者用生地阿膠黃連雞

子黃 按雞子甘寒潤燥其白象天輕清上浮用治上燥其黃象地

重濁下降而潤下燥 若四肢厥冷爪甲青黑腹痛拘急下利清谷

嘔吐酸苦冷厥關元此純陰無陽之證也法主驅陰止泄以回其陽

附子干姜砂仁半夏黃芪白朮吳萸川椒

若腹中急痛吐利厥逆心中煩熱頻索飲冷

飲而即吐煩渴轉增腹痛加劇此陰陽錯雜之證也法主寒熱互投

以去錯雜之邪

附子干姜砂仁半夏黃芪白朮吳萸川椒濃煎另用黃連浸取輕清之汁攪和對服

凡病總不外乎六經以六經之法按而治之無不立應一經見證即

用一經之法經證腑證兼見即當表裏兩解若太陽與陽明兩經表

證同見即用桂枝葛根以合解兩經之邪兼少陽更加柴胡兼口渴

而小便不利即以三陽表藥加入五苓散之中兼口渴咽乾目眩更

加黃芩兼口燥心煩渴欲飲冷當合用白虎湯於其間併三陽表裏而俱解之若三陽表證與三陰裏寒同見謂之兩感卽當用解表於溫經之內若裏重於表者但當溫裏不可兼表無論傳經合病併病陰陽兩感治法總不外乎此

病有陰陽之辨不得其法無從分認卽如舌胎乾黑芒刺滿口皆有陰陽之分有爲少陰中寒真陽遭其埋沒不能薰騰津液而致舌胎乾黑芒刺滿口者法當驅陰救陽陽回則津回方用附子干姜黃芪白朮砂仁半夏故芾等藥其證必瞑目倦臥聲低息短少氣懶言身重惡寒

此辨陰病十六字

有爲陽明火旺燥乾津液而致舌胎乾黑起刺者

法當驅陽救陰陰回則津回方宜斟酌於白虎承氣諸法以消息之

其證必張目不眠聲音响噤口臭氣粗身輕惡熱

此辨陽病十六字
凡辨諸証總不

外此陰陽
各十六字

又如厥逆一證亦有陰陽之分凡四肢厥逆者外見張目不眠聲音响噤口臭氣粗身輕惡熱之證爲陽厥法主破陽行陰以通其厥若外見瞑目倦臥聲低息短少氣懶言身重惡寒之證爲陰厥法主驅陰散邪以回其陽

又如譫語一證原有陰陽虛實不同經言實則譫語虛則鄭聲在陽明爲實證爲譫語乃陽明胃實燥結不通陽火亢極真陰立亡而神明內亂狂譫無倫法主大承氣湯急驅其陽以救其陰在少陰爲虛證爲鄭聲乃少陰中寒魄汗出而下利虛氣陽脫神魂無主細

語呢喃錯亂顛倒法當急回其陽以固其脫方用附子干姜人參黃

芪茯苓白朮故帛益智等藥

二証陰陽均以上各十六字訣之

又如煩燥一證陰陽互關曰陽煩陰燥又曰煩出於心燥出於腎其

實不然煩者未有不燥燥者未有不煩煩燥皆同而證之陰陽不同

有為少陰亡陽身熱多汗而煩燥者乃腎中真陽隨汗而浮越於

外法主附子干姜黃芪白朮故帛等味以回其陽有為陽明熱越

身熱多汗而煩燥者乃胃中津液隨熱而盡越於外法主人參白虎

等法以撤其熱

二証陰陽亦以上十六字訣辨之

又如昏睡一證在少陰為陰霾盛而陽不開法當急回其陽以禦其

陰在陽明為熱盛神昏法當速撤其熱以退其陽

其証陰陽總以上各十六字訣

之
且昏睡與不眠其證不同而法相同在陽明張目不眠者其常
也然又有熱盛神昏之證其人均爲口臭氣粗汗出惡熱其法亦均
當撤其熱 在少陰但欲寐者其常也然又有裏陰過勝隔拒真陽
隨汗外越不得內交於陰亦不得眠其人均爲頭懸身重少氣懶言
其法亦均當回其陽

咽喉痛者有火有寒寒痛不赤不熱不腫不作臭穢身倦惡寒略可
硬飯飲水吞津則痛甚可食硬不可食軟 火痛者內外俱腫且赤
且熱氣粗口臭身輕惡熱水可多飲而飯粒糝不能下可食軟不可
食硬

打呃一證有虛寒有實火若胃實閉結陽火上冲而打呃者真陰立

盡之候也

其証張目不眠身輕惡熱

法宜急下以救其陰

若脾氣虛寒健運無

權氣不調達而打呃者其勢緩非死證

其証目眩倦臥身重惡寒

法宜人參白朮

附子干姜甘草半夏丁香白蔻溫中散逆

頭痛一證六經皆有不可妄用川芎藁本白芷細辛胡亂眩撞法當

分經用治 太陽頭痛連腦後其法分主桂枝麻黃 陽明頭痛在

前額主葛根 少陽頭痛在兩側主柴胡 大陰濕痰塞壅膈中如

天之陽氣閉塞地之陰氣冒明頭爲之痛證兼腹痛自利手足自溫

法宜黃芪白朮干姜附子砂仁半夏 少陰中寒阻截真陽不得上

達陰邪僭犯至高之處則頭痛如劈重不可舉證兼身重懶言手足

逆冷法宜附子干姜黃芪白朮砂仁故紙 厥陰頭痛在腦頂蓋陰

邪上逆地氣加天證兼腹痛拘急四肢厥冷

四肢作冷爲逆冷過肘膝爲厥

法宜附

子干姜砂仁半夏黃芪白朮吳萸川椒

若血虛肝燥風火相煽上

攻頭頂痛不可近證兼口苦咽乾惡熱喜冷法宜當歸生地黃連黃

芩柴胡龍膽草

凡遇泄瀉法屬太陰宜主理中世醫僅知分利則氣化愈傷脾土日

衰陽神日陷陽光漸墜眼漸昏蒙甚至雙目不開閉久生瘡而目漸

壞此乃陽氣下陷不能升舉羞光怕日眼皮欲墜津液不上瞻目中

乾濇緊閉難開而又謬謂泄動肝火兼之腎水不足轉與泄火滋水

左金伐木謂之瀉南補北損西益東愈悞愈深不可爲矣

法宜黃

芪白朮附子肉桂補火磁土回陽止泄更加白朮砂仁宣暢胸膈故

帝益智收固腎氣則陽回而津自升目開而瘧自落 有等瞳人散
大而眼漸昏蒙者乃爲土敗火衰水邪泛溢法當補火殖土以禦其
水世醫皆謂腎水不足安知水有餘而火不足也如果腎水不足自
必瞳人縮小縮小者火土熬乾腎水也法宜壯水之主以制陽光
凡遇留飲不可兼滋其陰以我陰愈長而陽愈消脾氣愈虧不能傳
布水谷精氣所生之血皆爲停蓄上逆而吐勢所必至故治咳嗽悞
兼滋陰而釀吐血者恒多皆由不識陰陽消長之理也
凡遇嘔吐不可發汗蓋氣上逆而不下降更用表藥助其升散其氣
必脫法宜黃芪白朮干姜砂仁半夏丁香吳萸故梔

上吐下泄者表證雖重不可發汗蓋爲上爭下奪法主理中急用黃

芪白朮人參茯苓干姜半夏砂仁吳萸若兼腹痛厥逆更加附桂川
椒若誤用表藥重耗其陽中氣立斷陰陽兩脫矣

脾約一證不可發汗其人索隱陽麻多火少水惡熱喜冷三五日一

次大便結燥異常者名爲脾約縱有太陽證壯熱無汗不可發表緣

其平素火旺津虧營衛枯燥汗不可得法宜生地阿膠黑脂麻核桃

肉大黃只實

原文用麻仁丸今改易數味功較勝

潤其裏燥通其大便結去津回自汗

而解設不知此妄投麻黃桂枝強發其汗徒令津愈傷而熱愈結汗

熾盛也

與大便愈不可得表裏閉固內火加熾立竭其陰而死矣故治病而

軀救人之津液者眞庸工也

統而言之凡病外無表證者俱不可發汗卽如當行發表者必察其

人本氣陰陽無虧方可徑用 若其人真陽素虧平日喜熱惡寒帽服辛溫大便溏滑者宜加附子干姜黃芪白朮助陽禦表 若其人真陰素虧平日不服辛熱大便常結者宜加當歸生地阿膠滋陰助汗 若其人燥勝者心煩尿短身煖燥而神氣衰宜加玉竹萸仁天冬麥冬潤燥除煩 若其人火旺者張目不眠口臭氣粗宜加石膏花粉枝子連翹清火退熱

附案

曾醫李解元堯賓之孫裏重於表者其證身壯熱而頭重痛又兼腹痛作泄體重惡寒起則眩暈醫家亂用發表兼以分利數劑而病加劇叫楚煩亂日夜無寧舉室倉皇無措予診其脈浮虛無力觀其證

述於
直郵
如文
書傳
命之
達

裏重於表卽用附子干姜半夏砂仁黃芪白朮肉桂故昏一劑而頭痛卽止身微熱而熱俱清次日醫者請見子語之曰習醫不得喻嘉言之傳雖皓首窮經終歸無用此證乃少陰中寒眞陽不能上達陰邪僭犯至高之處故頭痛如劈重不可舉兼之腹痛作泄體重惡寒起則眩暈其裏證何等重也裏重於表法當專主溫裏雖有壯熱不可兼表況不溫其裏徒然亂表非惟無益而反害之吾用姜附以回其陽而禦其陰尤恐道遠而効不速故用黃芪以助胸中之陽白朮以助脾中之陽接引眞陽上達速於置郵半夏砂仁醒脾開胃宣暢胸膈肉桂故昏收固腎氣化氣歸元所以一劑而頭痛止前此亂用表藥而汗不出者以陽虛不能作汗也今得是劑則微汗而熱解蓋